

樊山全集

上海廣益書局印行

續集八

樊山續集卷三十

東園集 起乙未五月訖丙申十月

恩施樊增祥雲門

奉懷張尚書師金陵

手提三十六英雄坐使丹霄日再中
勲業明時光玉鏡身形暗裏護紗籠
卧龍抗表需籌策司馬登朝仗撲忠
江漢滔滔誰砥柱迴瀾力障百川東

扶桑日暗海揚塵移鎮金陵控析津
繡象平原求死士發蹤蕭相是功人
大航朱雀屯千騎絕塞盧龍值幾緡
夜起占星候狼角勝棋樓上月如銀

劓馬登壇誓已成諫章終遣四夷驚
鄂王有面慙軍旅 岳武穆和議成賀表云曰
謂劉淵亭軍門 更教蘇李約連橫 謂許竹實聞舉 虜庭妾婦看蕭呂
獨畏江南卧虎名 范老填胸自甲兵已

管記臨川跡已遙心魂猶逐廣陵潮
闔中有地棲王猛幕下知誰似却超
數欲題詩東閣樹一生得力下邳橋
欲知吏部英光迴夜夜中天見斗杓

送府主定興公總制四川

殷宗深倚濟川舟萬里長江此上游
玉節遂開三幕府 謂撫豫撫秦齊川也 珠璣初定五諸侯 時和議甫定 欲教鵲首

圖王會先遣龍驤領益州江漢東趨誰砥柱夔巫門戶費綢繆

五月流金驛路賒旌旗迤邐出復斜
駝中茶火三千騎闌右香烟百萬家
憂國重聽金雁雨愛才多植

玉蟬花 宋子京筆記玉蟬花唯蜀中有一石蟬 十年手種甘棠樹勿使邦人翦拜加

上京飛電說和戎諫疏星馳悟兩宮
島寇敢輕中夏主漢廷休策奉春功
衣冠典午風塵裏圍

廟長沙涕淚中安得三千水犀弩盡迴海水莫朝東

記託清塵二十春向無人薦陸平原纖驪宛轉逢知己一鶚慙慙獻至尊未得長卿歸舊里公欲祥
於原稿而止終然小范戀恩門他時若用軍司馬臣是淮西戴筆人

得仲彝徐州書頗及時事賦此代柬

幅裂河山事事非開緘惟是淚沾衣黃金有意填滄海快劍無人斬月支撒戍秦兵援隴急時有花附
書江雁過淮稀屢寄拙集不達柴桑居士無懷侶不幸生逢晉義熙

奉懷黃副都文汴梁

僦宅金梁月似霜懶聞老眼看扶桑暫紆車騎尋朱亥不假文章動孝王思穎徑辭神虎去飲江終覲
佛狸亡真長元度相逢處謂許仙屏師說著新亭泣數行

鸞坡兩世遞揮毫玉樹英英甲第高洛下袁安對袁敞梁園枚叟挈枚皋堂前進食無甘鮮門內傳衣
賜錦袍異日推枰忘折屐還將破賊付兜曹

得爽翁書却寄書言無湖稅收奇絀

絕島稱兵饋運艱近聞籌筆損朱顏地形已列三雄鎮租調纔勝七下關唐六典二十六關上關海禁六中關十三下關七
久封姑孰米鄉心長繞富春山東腰我亦嫌長帶何日開籠放白鷗

寄孫彥清同年司鐸長興

湖州教授號人師令屬風流孫會稽吳舫有詩吟暮雨沈樓無賦作雌霓風清顧渚茶香遠歲稔烏程
酒價低無分山陰同踏漿蘭成蕭瑟在關西

春明舊事忍重論酒賦琴歌幾弟昆不分黃花俱向晚可禁綠葉更銷魂橋頭斷碣尋姑嫂姑嫂橋在長興明祖
與張士誠戰處壁裏遺經授子孫同調應劉多不在急尋靈藥護生存

讀王士秋采芬女子墓誌題後

根葉因依共一舟，素馨斜畔想風流。采珠夜渡青鸞水，其一日青鸞讀曲春深白燕樓。未嫁魚鰕饒語笑，承恩合德自溫柔。文章澹雅歸熙甫，獨為寒花淚素秋。

題吳僧寂住山水畫

從師乞得自由身，鉢帽隨緣住世塵。落日每來歧路口，自將白拂指迷人。

壽晴谷六十

伯陽紫氣溢秦關，斗岱聲光仰面看。劉蛻十文十如意，王筠一集一遷官。庭羅謝樹皆奇實，室有萊妻共歲寒。剛與女堯同甲子，笙歌壘繡滿長安。

九峻山色曉蒼蒼，士女爭擎介壽觴。義取紫駟隨劍几，杜詩紫駟隨劍几義取無虛歲謂李邕紫文所得也清吟白鶴伴琴堂。酒

斟仁壽宮中醴，花發瑤臺寺裏香。白署關西夫子號，遂令學派識錢王。竹西莊

鹿溪省覲同州假道渭南損詩見惠次答一首

心隨渭水俱東注，手擷崇蘭奉北堂。匹馬關山詩境仄，繁霜身世鬢毛蒼。花溪地僻無錢買，河渚名高借酒藏。惆悵白雲在天際，南牙無分挹清光。

又追和岐山冬夜

聽盡蕭蕭鐵馬聲，新亭淚眼幾時晴。胡笳夜傍愁邊起，塞草春從戰後生。遼海競開都護府，冰天誰築受降城。似聞海外新班鴨，淥君臣不忍更

雨中

長日無公事，閒身得小眠。繡書尋鼓法，鈎幔放茶煙。花裊風驚蝶，槐疎雨滴蟬。此時齋閣坐，不飲亦陶然。

然

伏日涼甚偶書

綠罽花單換簾筠紫髯拂子淨窗塵遲生筍是後君子新釀酒稱中聖人歲閏聊欣增祿米夏涼曾未
去冠巾風標若使傳圖畫不是天隨定季真

寄王廉生祭酒

纔見液池集鵷鷺却回渤澥斬蛟龍嫺環久已窺天上頗牧居然出禁中狂寇猶尊鄭北海中官亦敬
傳南容歸朝天子虛前席莫問和戎問從戎

書劉聰傳後

遮須國主出平陽題署風流翰墨香典午早知今日事李中堂改愧賢堂漢有堂曰李中聰改曰愧賢見禁編

書王昭遠傳後

慷慨提兵不顧身手麾如意岸綸巾自方諸葛原非妄却是當年仕魏人用魏得狗事

再訊彥清

水晶宮畔露荷新最憶先生烏角巾春甕撥雲餘醕酊練裙書字見風神詩如吳下簪花女客有湖州
賣米人湖州賣米周青上靈隱和尚句也皋社吟朋散如雨鑑湖花發為誰春

懷歸一首寄仲彝

渭南江北不同春桃李栽成世事新百里都為停待境幾時同作閑關人好營草屋香溪側且著黃冠
鏡水清縱食鱸魚恐忘味沈寥天地正風塵

題畫二解

竹林五君子流杯日酣醉切莫著山王恐敗稽阮意
淵明避督郵解帶就閒曠不如劉玄德繫著馬柳上

縣齋偶題

三年剖竹萊公里畏壘庚桑自昔聞百里地名田水月一生心在華山雲庭前鬱鬱生芳草牘尾時時綴小文俊逸詩篇滿闕內被人呼作鮑參軍

鹿溪辭鳳翔講席寄訊一首

拂袖翩然去鳳翔穆生甯畏楚鉗傷揮金不顧貧能使酌酒無多醒愈狂自署散人遊汗漫極知卧佛倦津梁幼安避世愁無地今日遼東是鬼方

秋興

才
冗官常早起窗對竹陰開草綠如人意花黃助酒材元蟬抱樹寂新雁帶書來舊雨勞相憶酬詩亦費才

偶見吏人生松下因贈

翰林故事惟香茗御史經綸但縮蔥何況白頭老書佐故應危坐聽松風

過崇凝鎮八月初三日

綠樹圍村緩轡過高原百丈俯清河豐年傀儡盤鈴鬧生計良田善馬多既雨白雲生澗曲始秋紅葉點巖柯少年佩犢真無賴擬授西征殺賊戈時隴事未靖

秋夜讀蒼雪詩題後

滇南徹公詩有名澹如秋水涵虛清又如老松幹鐵石修蘿引蔓垂蕤英天寒草木盡堅瘦枯淡中有

春風生蟠桃三千年一熟褪花杏子難與爭前庵坐閱甲申事又見滇池盜神器徑乘蘆葦過江來借宿南朝雨中寺交游眉公及駿公絳雲一老恆過從吳兒慎莫輕貧道王謝當年在下風禪燈一盞茶鑪熱照見詩心皎如雪家在春山何日歸花開湖路輕相別一夜花開湖上路半春家在雪穴官日夕親簿書嗜公詩句如秋鱖持較癩可定誰勝蔬筍氣息公則無高秋簷雨瀉鳴玉坐誦摘盡百八珠安能盡屏人間事飯罷溪頭洗鉢盂

賀人生子

昔曹駿馬換娉媼今見香綳裏玉嬰人似國花開正午子如仙李應長庚房櫳玉燕來佳夢譜牒青箱署小名他日早持六國印阿翁駘背願郊迎

車中作

北客年年車馬疲疲揚身自作南箕平生來往江南路祇用輕柔櫓一枝

書臺北事

堂堂幕府卽離宮坐踞三貂氣勢雄豈謂解元唐伯虎不如殘寇鄭芝龍蜉蝣天地波濤裏螻蟻君臣夢寐中十月臺疆作天子凝旒南面太恩恩

攝生篇

昨者腹疾同河魚晨起照鏡滋清臞我不解醫解自療瓜瓞艾炙非所需一龍二氣三鹿盧乘蹻復與葛翁殊晚食安步寡言語王池真水常清腴千憂解散時借酒半日靜坐還讀書冠帔總集列仙傳雲山隱現真形圖內翰解帶襲僧袖右丞素食羅園蔬將身喻作菩提樹養心湛若摩尼珠勾漏丹砂葉令鳧上界寧論官職粗君不見天上蟠桃有時有火中蓮性無時無

寓省門護國佛寺有懷少舟大令華州寺屋為少舟所賃

蕭齋挂屢榻是我故人居階前兩修柏清籟鳴笙竽老衲喜客至低眉問訊余山僧亟汎掃炊玉就齋
廚泥深沒衢巷時枉金耳車秋霖積五日庭桂紅無餘駢肩轅下促疊跡府中趨晏歸聽禪誦屢夢甦
蘧蘧眷言念之子退食拊香爐蓮花數峰雪映爾牀中書安得招琴姜駕言游太虛

客去書寺壁 八月二十五日

閒就禪燈拈念珠一珠一佛費工夫君看越淡逢燕本冰雪蓮花雨不殊
述偈曾為付鉢人菩提樹下渺前塵一十年後香燈社重現曹溪最後身
謫向人間十五年未離銅墨已華顛江鄉煙水平如掌宦海茫茫划甚船
靛衫膠擾對親賓遠已由來足病人好辦焦糖并粟飯幅巾歸去祭身神

坐衙偶述

平生雅慕循良傳一視終難混芳田俗薄木雞猶解鬥謹愿者時亦攝訟德涼水蛭恐難消今夏屢患腹痛有情刺種

桃千樹渭南桃甲天下無事休撩葛一條折獄原非佞人事隴山鸚鵡不須驕

偶憩一廢寺僧指佛像曰此沈香也戲賦

王座生苔佛火銷唐碑仆地草蕭蕭兩廂不見伽藍侍可是山僧煮狗燒
黃皮裹骨一常住手搥經珠不知數打鐘掃地三十年祇知佛是沈香做

新羅山人畫馬

一株風柳明晚暉一馬散放無鞍韉沙明水淺莎草肥長鳴引首秋雲飛山人故是不羈馬畫馬肯畫
黃金羈四蹄卓錫雙耳竹顧瞻八表知者希同時綠螭及紫燕天閑供奉爭驅馳有時一蹶落沙漠亦

有卧病求解帷韓幹休於照夜白李晟愁進望雲驢主恩從來秋露薄瑤池宴罷八馬疲何如此馬林
薄閒夕陽寫影高如山自尋舊宿向沙苑不將洗沐煩奚官吁嗟乎神物不為世束縛桓溫駕馭實非
錯我才千里常自珍不願人間有伯樂

李復堂草蟲便面用元均

李詩云機聲軋軋月初斜似此蟲聲又一
家曉起空庭尋未得夜涼依舊咽秋花

露葵黃煞四娘家坐聽蟲聲到月斜記得兒時逃夜塾竹陰深處飼瓜花

螻蝻食
南瓜花

棗樹東頭阿那家蕭蕭絡緯井欄斜五更風露無人聽涼煞籬根扁豆花

九日寄仲彝徐州

渭水東流不到淮嘉辰分薦紫萸杯秋風一試持螯羊落日遙瞻戲馬臺酒綠花黃人未老天青雲白
雁初來為君笑整烏紗起更擬登高門賦才

偶過東園和去年壁間作

兩衙前後亦何為掃掠平臺置酒巵石徑三條圍竹虎地衣四角壓香獅送迎人客常稱病勾管差科
不礙詩若畫東籬須著色菊花香裏坐支頤

讀道書

睡起閒尋道藏看欲憑瓊訣保朱顏近來心事無多許祇存丹瓢藥鏡閒

讀佛書

前來應是善詩僧縱飾冠巾尚鶴形忘是儒生忘是吏轉珠惟誦藕花經

午窗

日旁午窗睡黃棉暖意回倦扶卯酒坐醒喚亥茶來佛手薰衣馥菖蒲近硯裁冥心幾羅預已臨寶猊

灰

肝疾久不愈感賦

髯翁肺腑鬱嵯峨枵危局如棋着着差

閩賊索膠州德索定海

病匪萊肝和鼈瘕事同腐蝨敗桑花好音無復黃龍

酒苦趣惟斟白鶴茶手戟靴刀何所用悶持鼓杖學參過

九月十五日大雪

乙未九月望開門雪覆瓦玉砥瑤階積已平蝶翎鶴毳紛來下自朝至晡天雨花千里百里鋪銀沙渭南三萬八千戶焦蘇不爨如凍鴉高天厚地顏色改西盡崑崙東渤海千羣鐵騎僵花門百文瓊鰲死遼海老夫興酣雙耳熱臂鷹欲赴南山獵仰射錦雉必洞胃生擊黃麋堪飲血胡然閑置車帷中一州拘係曹景宗品量鹽絮效兒女政與王家新婦同黃花始識滕六面賀以白酒三杯醺燈火熒煌炫夜光風霜倔強搗秋艷此時置更寒不鳴此際酒惡思魚羹誰呼錦帳彈箏伎誰念鐵甲屯邊兵非黨非歐渭城牢紗帽煎茶自瀟灑金鑪暖煞紅麒麟且就糟牀擘巨螯

戲效口吃詩四首

柵北月缺缺菴南山鐔尖輟食咽側柏沈酣涎甜甜一啜笠澤雪言參旃檀龕脫幘答客曰鬢髮嫌冠簪簪苑垂歲製齒齒斂斂宛轉淡籬嘶飢糜蘇檻偃偃得大奚知妃姁詞勉展琬琰卷茲詩誰為之儼噉橄

櫟館

近人噉橄櫟館稿語多奇澀

右疊韻二首

雨餘迂圖月閨閣共光輝蛛綴真珠帳螢淹艷玉衣紅酣花幌闌粉馥樞房肥輾轉昭州枕

五代詞昭州新退紅

霞宵信息稀

貧第兒壤里捐金寒姐家羞尋交頸繡好護合歡花進酒兼江橘商詩煮浙茶憐卽憐伶俐小頗現新霞

右雙聲二首

雙聲絕句

雨意油油玉葉雲愁鷺花頷喚黃昏詹牙月影搖煙影不辨枇杷白板門

自嘲

生本煙波舊釣徒無端塵夢落西都歷三令尹猶寒乞

謂曩宰富平近宰咸寧渭南

奉一先生自暖姝射虎愁逢灞

陵尉解貂難付酒家胡景宗飲慣黃塵血新婦帷中耐得無

得子培京邸書却寄

火有蓮花枳有鸞君纔典屬我烹鮮天邊雲鶴誰能繫地上風蛇且互憐臺省定無三坐處功名休算

小行年人間此日知何世擬上松陵放鴨船

洛下機雲著述身

兼謂令弟子封

綵衣將母住京塵稍沾

御廩塵牙榻最憶秋風雉尾尊過卷幾時魚得水

觀空一任馬生人會稽曳杖消搖後

謂越鰲師

秉筆惟君繼獲麟

再寄子培

世事如棋百樣新十洲天地黯煙塵論才自信仙非鬼寔夢全離想與因桑海古來無此變鳳城今日

有何春請君細數三閭後直到同光幾恨人

同年譚復堂先生主講鄂中惠寄樊山集序敬賦長句答謝且申卜鄰之約

杭州湖山天下無名城十錦錢王都中有異人抱仙骨聲名震盪瑤光樞出入國風及小雅誦法老先

桃宋儒主盟中夏四十載百川赴海爭灌輸吹噓枯枿得春氣扶獎龍驤登天衢頭銜七品雙鴻鶴王公屈膝禮數殊皖江出宰歌來暮焚香酌水調琴柱頭上那識咸陽王口中不道袁公路勸課桑麻酒一杯滋培桃李花千樹門子能吟竹馬詞女郎盡織弓衣句督郵敗意歸去辭西湖鷗笑玄猿哈門生畫捧藍輦出阿段朝搴石耳回里塾文章求甲乙上公詩豪待刪裁已教儀儼傳家學更得清娛待茗杯鯨波斗起扶桑海老淚新亭幾揮灑名士深憂白馬津相公真賣盧龍塞胥湖八月打錢唐湧金門外山容改避却爭尋玉筍花登陴盡授明光鎧湖山密邇蛟鼉居何地可寄梁鴻孑孓宅不歸王謝燕故人勸食武昌魚樓船戕戕沂江上梅花爭媚扶風帳設醴依然遇楚元傳經一再煩劉向屋後一角臘脂山首盤朝日何團團臺郎競致烏皮几天子應頒荀彘冠我昔春明與君別鄂城再見頭如雪每將猶龍喻老氏亦荷獬兕獎孫策難忘嘯詠庾公樓尚思歌舞岐王宅新婦解下龐公拜舊遊剡與龜年說袖詩送我秦川行老懷歧路難為情煙霜五載鬢關隴掉頭不見高堂生篋中新藥樊山集序詩乞取湘東筆品目遠過司馬圖聲價高由皇甫謐江城寫書付秋雁何以報之錦繡段唱和頻添汐社篇酣呼寘識神亭戰海內譚李雙崢嶸我所師事皆服膺長庚夜墜蓬萊驛專席從茲屬杜陵元黃天地稍清晏聞道執珪憶鄉縣我居西北尚風塵安得白劉數相見庾郎最憶江南春鱸肥菰脆等歸人清波門內三間屋終與白鷗來結鄰

與西屏夜話

官舍依遲似斲騷鐵燈檠畔味醺醺十年說劍逢鷗九小雪披圖認萬三情話互斟陽羨茗書題惟念洞庭柑詞人不合關中老心似秋鴻總向南

疊韻答西屏

宦游久駐渭城驂，斟酌官壺酒味醺。竹柏庭中人兩箇，珍珠露下月初三。一行玉雁誰橫笛，滿握紅霜始破柑。總把黃金媚朝貴，那能更學杜征南。

十月初八日夜坐東廂看月偶成短章以後院有朽柳偏眠船舫邊為韻

桂樹生庭前，修桐蔭屋後。軟風吹綠烟，明暉溼戶牖。半鏡粉雲蝕，云自秦時有。繞樹烏欲棲，照書螢已朽。坐覺欄影移，輕霜點禿柳。

月與雲來往，人坐柳東偏。玉繩低欲落，胡牀殊未眠。門橫蟾蜍鎖，衣領貂為船。隴戍知隨馬，吳歌想扣舷。青天與碧海，桂子落誰邊。

初九夜月下用前韻

月在簷簾閒，霜清菊花後。排闥類故人，清光入疎牖。峭寒砭詩骨，羣卉復何有。獨有青桂枝，歷冬長不朽。靈藥倘可乞，無為嗟蒲柳。

栽花一畝宅，梧竹劇幽偏。風中熟香散，石上焦尾眠。掩斂菱花鏡，逡巡藥玉船。誰擲紅牆笛，誰繫絳河舷。天孫并月姊，應朝阿母邊。是夕慈聖萬壽

初十夜月下聞署外伶人演劇用九月望大雪韻作歌

月出松巔霜蓋瓦，輕裘煖帽松窗下。一甌綠雪泛輕花，流暉滿地飾金沙。樓臺上下浸瑤水，驚起柳邊三四鴉。氣候斗覺冬春改，底處歌兒唱小海。嘯嘯兒女說中郎，蠻演鬼神迎柳絮。花奴鼓打春雲熟，仿佛將軍渭城獵。滑稽似炙瀉千螺，忠義宛飛侍中血。此時煙霄月正中，頗憶羅遠從玄宗。瓊樓玉宇高寒極，鈞天夢境將毋同。朝廷近日憂西面，花門月冷愁雲釀。雪壓天山戰馬暗，酒行玉帳瑤姬艷。時鎮翠春不聞士死左轂鳴，徒聞驕將爭羊羹。近日葉何兩軍互門回回中不少白頭賊，洮河各擁防秋牛。

兵犬羊無人事屠宰聞鼓聲聲淚空灑月平照愁亦照歡且聽琴聲走大螭

聞曹文正家書

燕國生男總象賢兩昆江表力擎天平生雅信涪翁語太傅功名是偶然

賀陳藍洲大令罷官還浙

竟拋簪紱戀鱸魚顧我猶為轅下駒無分從君歸白社大難將母住西湖山中釋擔觀棋却雨夜舒繚
了盡通歲歲香花賽樂布問君忘得漢川無

讀卽鈔書後

年少金張貴絕倫晚猶洙泗託婚姻門難場上佳公子孔雀屏中小聖人國是艱難逢五鬼海山荒習
媚三神羯奴大有排牆手免窟區區不庇身

兩世王門倚舊恩姦賊狼藉衆知聞麾金自結中常侍載酒頻過左阿君荆棘滿庭忘挂礙芳蘭富戶
編鋤耘祇今冠帶教閒住漢殿誰為請劍雲

再閱卽鈔

長沙持節太恩恩詔遣歸吳類轉蓬侯白徒為士林笑陶朱不失富家翁暫將湘郡還溪狗尚以銜
亭擬蜀龍此去石頭城下水莫為明鏡照司空

一牀錦被蓋平生漫以浮雲蔽聖明咄咄毀源真怪事堂堂美甫但虛名朝廷追論熙河罪史氏深
譏馬邑兵終是盛朝惜解劍放教長水事躬耕

香燕歸裝捆載來闌名多寶一時聞及身貴不如秋壑免死恩猶逮玉臺愁坐有時箋小品不眠終夜
望三台欲為車蓋亭中語恰少新州故相才

每聽吳歌喚奈何無慘古器日摩娑鈴山孔雀文章盡閨閣河豚膺本多下第子衿揩淚眼失恩宮女
畫愁蛾貴人失意都如此一夕秋風鬢已皤

食夕筍

華州青玉生較晚楚萌纖纖趨隴阪船唇驅背捆載來千錢纔可致十本章牛蘭角何森豎稚子錦綳
嬌兒轉青箸筒中玉糝纖繡行纏裏香鈎暖老饕食指昨已動凌晨饗子青門返我官渭川蕃竹樹風
煙千畝歸句管拊摩籛龍不忍食君子庖厨取諸遠紅薑和醋淬新芽翠茗淪湯開嫩眼此君妃耦未
易求勿以孤禪參玉版冰魚作儷白於銀雪誤為奴香一翦我吟僧詩清到骨髓次自知湘玉滿雁飛
儻寄故人書為報湖州剛晚飯

余作食筍詩末用與可得東坡書噴飯滿案事詩成而仲彝徐州彥清湖州兩書俱至至文章有神
交有道信不誣矣即用前均寄兩君

會稽竹萌出春晚十里風香扇蘭阪五年不飲女兒酒祇覺乾苔生舌本孫陶英英竹箭材宦遊大似
秋蓬轉琴嘯不抵簿書忙松桂那如桑柘暖戲馬臺前呵殿回水晶宮裏觀荷返鷗天渺渺越人楫鳳
吹遙遙藏女管胃中都有渭川在書來不覺長安遠嶽雪照字盡明珠闌柳於人最青眼虎溪一別已
惆悵那更袍靴束手版為題詩句寄東南雨滴松窗拋燭翦終當笠澤繼三高茶竈常溫酒常滿雲門
寺裏餠餅焦彼此歸歟趁僧飯

戲疊前韵憶華州筍寄李少舟

玉女峰前竹色晚盜筍艱於九上阪華人筍甚嚴粥諸市者皆盜泉也情南初生我蘭栗那許楚材充膺本華筍大哉如揖與湘
異筍迥劇從苔縫虎爪結剝置盤心雁頭轉我僕騎馬苦求索百里冰筐空往返華距渭都言大雪損簫五十里

材不見疏懶驚鵝管

今年雪大傷竹

羨君坐衙對少華燒筍林中香不遠客來絮絮得羊腍君設客恆至身自

注湯澆茗眼曾無葡萄遺貴人肯使錦綳隨手版惟我與君不肉食幾番春韭雨中翦定將釵角勝書

尺發篋開緘蒼玉滿前生簾影寺中人

東坡與劉器之在廬影寺參玉版禪

切勿邀呼喫堯飯

謝少舟惠筍四疊前韻

天陰欲雪渭城晚駮馬如飛丸走阪綳嬰百輩附書來士相見禮持竹本

禮記士以竹本象可孕頤今也或從本字斷句

為犀株動飢腸昨已鹿盧轉揮龍班班列我前頗使阮公雙眼暖瑤札大書復細注萱宮實來愧虛返

翦黃斜綠由君心輔相化機天不管試遣竹姑脫紫苞玉箸頭書不相遠

君書最工朝鋪為我將羊額復整

從渠窺麕眼蜀皆以蘿繞之君家黔筑我夷陵兩處衡門欹白版溪頭茶樹碇丁摘花下青蒿蠻婢翦四月朱

櫻薦寢時連山好竹香風滿何時歸去綠君堂東軒共喫家常飯

聞悉伯師寔宥有日感賦

傳聞得地賀家湖寔石為鄰道不孤夫子骨為藏櫝玉門生淚盡感恩珠潼亭大鳥悲楊震江左微星

失謝敷吏部有文光日月更將銘誌付吾徒

得彥清同年惠書及詩述舊抒情終以公侯干城相勛次答二首

湖雁將書背雪飛難忘松雨對床時索居心厭白題舞相和歌成黃淡思江水一千三百里虬汝州經

郭還浙期

永和四十二人詩

指丙子江亭丁丑龍樹之宴

少年南北同酬唱忍見霜黃鏡裏髭

虺不能摧蛇已成望寬難慰隴人情都無小范胸中甲誰繫單于頸上纓羽檄遠徵袍罕戍狼烽近照

赫連城庾郎大有江關意忍聽胡笳出塞聲

再悼悉師

川
人生總蟬蛻夫子獨神仙白鶴悲遼海青牛識故阡一碁終玉局三歎付朱絃歲晚彈流水知音委逝

周懋臣府公止宿縣齋清言竟夕奉呈一首

檀簾深映燭花紅杖履欣陪六一翁黃菊禁寒香晚節青梅有味數英雄華嚴長者存高論公是先生
善折衷老去東亭仍作掾黑頭知己負桓公

入此月來積陰不開既雨復雪漫成長句

積陰十日天如墨垂垂凍雨沒車轍北風有力大如虎吹起天山一文雪絮絮瓦當千玉箸政似醉頭
新酒滴安排暖閣襲重裘出入寒廳響屐履黑雲連峰入太陰鬪儀匿曜愁人心隴軍望援兒望乳腐
旗溼鼓無光音 朝廷發卒又三萬前軍已過臨汾縣濁河駭浪高於山戰士裂膚馬生趺嶽蓮大路
鼓荆棘泥深五尺沒馬脊大府徵車二千乘西征六十營營三秦民無衣守空甌一馬民間費十牛一
車萬錢不掉頭里民每供一車行坐各駝車載兵血淚流歸來不飽粥一甌中宵仰屋者誰子道州亦
吏亦如此胡床八尺藉虎皮身似吳鼈眠復起

爽秋同年寄示無名氏和余馬關之作再賦四首

珠槃敵血訂新盟掌上河山瓦注輕夜燧已寒貂嶺戍春潮猶載鴨江兵面諛冒頤為驕子口誦泉男
是大兄若使鯢鯢行懋賞髮屏先記相公名

賣國牙郎復賣婚虜庭為贅亦為臣漫誇武子名通國誰料玄妻不福人妄覲晉陽飛黏總終然齊帝
殉貌麟君看天水冰山錄血浴東樓草不春

扶桑島上候台星館伴伊藤介并馨龍伯持竿頻我餌馬留說法竟誰聽愛憐狔犢求旌節接引鯨魚